
	3472	kat.komp.
	III. Mag. St. Dr.	P

iv. Jagell.  
Ord.

1706. 21 Aprilis

Czarnawski Joannis Raphaëlis. Desideria eru-  
ditæ Palladis ad unius huiusmodi cursum pro-  
vecta. Pocyna 2908







DESIDERIA  
ERVDITÆ PALLADIS, 184.

Ad vnius Lustrī cursum  
P R O V E C T A.  
G R A T I A

*Illustrissimi & Reverendissimi Domini,*

D. CASIMIRI  
à L V B N A

LUBIENSKI

DEI, & Sanctæ Sedis Apostolicæ gratiâ  
Episcopi Chelmenfis, Abbatix Czervenensis perpetui, ac  
Sede vacante Episcopatus Cracoviensis, nec non Ducatus  
Severiensis, Generalis, ADMINISTRATORIS  
TOTIVSQVE PERAVGVSTI CAPITVLI CRACOVIENSIS,  
VV. XXVIII. Virorum Secundæ Laureæ Candidatorum;

D V M

In Alma Vniversitate Cracoviensi,  
PER MAGNIFICVM DOMINVM RECTOREM  
Delegatâ Sibi Potestate

à

*Perillustri & Reverendissimo Domino,*

D. M. SEBASTIANO  
PISKORSKI,

I. V. Doctore & Professore, Ecclesiæ Cathedralis Cracov: & Collegiæ  
Vieluñ: Canonico, Studij Generalis Crac: dignissimo Procancellario:

In Amplissimo Magnorum Hospitum confessu,

Magisterij in Artibus liberalibus & in Phil: Doctoratus Licentiâ  
rite consequerentur:

Symbolicis votis

E X P R E S S A

& in fraterni amoris gratulationisq; contestationem,

à

IOANNE RAPHAELE CZARNAWSKI

C E L E B R A T A.

Anno Desideratæ salutis 1706. Die 21. Aprilis.



185. In Arma Gentilitia  
ILLVSTRISSIMÆ DOMVS  
CZERMINSCIANÆ



Hoc CAPVT emerita Patriæ quod fronte laborat,  
Arcanum superis & meditatur opus;  
Appensô multis vincitur honoribus Orbe,  
Hoc Tituli, hoc Fasces, Infula, Mitra petunt.  
Nostris propitium Musis dignetur haberi,  
Auspicium agnoscent inde venire suum.

3472 II



ILLVSTRISSIMO  
& REVERENDISSIMO DOMINO

D. L U C Æ

à CZERMIN

CZERMINSKI

Præposito Vicario in Spiritualibus  
& Officiali Generali Premysliensi,  
Gnesnensi, Cracoviensi, Canonico,  
Abbatix Copriunicensis  
ADMINISTRATORI:

Domino & Mæcenati Amplissimo.



**H**oc unum desiderijs nostris intercessit  
optatissimum: quod Tu, inter vota  
honorum positus, in mentis ad lau-  
reas anhelantis lenimentum, occurreris.  
Illustrissime & Reverendissime Domine. Quo-  
cunque enim magnitudinem nominis Tui cir-  
cumducis ubique inter desideria omniũ versa-  
ris; illos, postquam maiori fama quàm ac-  
ceperint, impleveris, ampliora ut Tibi optent,  
facis. Nam sive Te ab alto Honores pro-  
spiciunt, sive Nomina Titulique advertunt t

(1)

iam



iam tantâ virtutis tuæ acceduntur cupiditate,  
ut penè involare in sinum, in humeros de-  
scendere, & adhuc de Capite Tuo, de pectore,  
de manu, dimicare videantur. Amplissimum  
est de meritis tuis honorum Iudicium, cla-  
ra illorum de Te cogitatio; quod Premysliæ  
Eminentem supra minora, ampla tamen No-  
mina Præpositum statuerint. Diffudit ultra  
Maiestatem Tuam, & Vicariam Diœcesis  
totius commisit Curam: quæ non officia præ-  
stitit? ut Tu Officialis: quæ non vota omni-  
um congressit? ut Generalis dicereris. Labo-  
ravit Iustitia, & ipsa decreta huc videbatur  
dirigere, edicta scribere, & omnibus diem dice-  
re, nisi Tu subsellium suum occupares. So-  
la scelera obniti visa sunt, quibus nulla a-  
pud Te conniventia futura erat. Iam primo  
Iudicio diminuta Capite, integritatem Tu-  
am profitebantur, damnata carceribus, liber-  
tatem non arctatam, dissimulatione, ostende-  
bant. Iam vero præter Te, si respicis CZER-  
MINSCIOS tales videbis, qualem fama, honor,  
nosq; Te admiramur. Non coarctabo hîc  
Scipiones, Camillos, Nomina, quæ partim  
Polono ab Eridano, LUBOMIRSCIO inquam  
influunt SRENIAVA, partim quæ TARLOVIA-  
NA effinxit Ascia, BRANICCIA peperit LVCINA.  
Sufficiet, si datum rebus Poloniæ Heroa, ve-  
luti pertransiens indicabo, Illustrissimum ac



Excellentissimum CASTELLANUM POLANECEN-  
SEM. Ille in hostem ducere agmina, armare  
hyemes, accendere aestatem, a fronte, a tergo,  
a lateribus instare videtur, auditur, & glori-  
ose sentitur. Putares non Vnum pugnare,  
sed totam evocatis Majoribus in stipendia cū  
Nepote suo decertare Familiam. Erigam ad-  
huc, supra, insis unionibus, cariores Lapides;  
encomia. Effingunt Illi duros adamante He-  
roes, ornant & Insulas; quales uno Capite  
Illustrissimi & Reverendissimi BOKUM Episco-  
pi Premysliensis, Nominati Cracoviensis, Ma-  
gni in Ecclesia DEI & Republica Principis,  
eninent. Hoc tu Sanguine, hoc Iudicio beatus,  
quod orbis in estimatione reposuit. Illud &  
intima Pontificum admisit Aula, & non tan-  
tum Patrijs venerabilem titulis Roma dimi-  
sit, verum & de suo censu liberalitateq; ad-  
didit, quo manifestius, in Polonia extero-  
rum Iudicia de Se circumferret. Illud Gal-  
liae Rex Maximus, tam gratiosè aspexit, ut  
à tot rerum ingenti serie evocatus, non da-  
mnaret oculum, quod huc respiceret. Theo-  
loga insedit Caput Istud scientia, probatissi-  
ma: quia plusquam ad Lydios, Gentilitios  
inquam Lapides, acutioremq; mentem Doctis-  
simi Praesulis examinata. Totius Ille Euro-  
pe, Nationum, Gentiumq; mores idiomaticq;



*amplexus, omnium linguis oreq; predicari meretur. Tempus erit cum votis expetitus hunc Vavellum, quo Tu emines, Eminentior, Insulisq; velatus subintrabit: tunc, modo in Nomina Tua exaggeranda invitatus, per utramq; scriptorum paginam, Antistes nominabitur. Qui Illustrissimarum Gentium Tituli, ambitioso gressu, hoc Nomen subsequerentur! At deducti per tot Lumina, oratoris oculi, prope everberati, ceu de solis Regia, purpureo igne, adoratis tantum Magnis Heroibus, & non nominatis succumbunt. Placeat fortunam reverens situs; quare composito in magni Nominis cultum stylo & ore, hoc inter mea desideria volvo revolvoq;, ut Tibi majoribus illato Culminibus, minores Tituli discant succumbere. Ita precatur.*

ILLVSTRISSIMÆ & REVEREN-  
DISSIMÆ DOMINATIONI  
V E S T R Æ.

Humillimus & Obsequentissimus  
Servus

IOANNES RAPHAEL CZARNAWSKI  
Secundæ Laureæ Candidatus,



BEATO IOANNI  
CANTIO,  
REGNI POLONIÆ,  
& Almæ Academiæ Cracoviensis,  
PRÆSENTISSIMO TUTELARI.

Sacræq; Theologiæ Doctori ac Professori.

*Vt sua desideria coronet & redimiat.*

O D E



Descende cælo, vade per æthera,  
Multamq; partem pertrahe siderum,  
Huc cinctus astris, huc coruscis  
Scande Pater trabeate flammis.

Te vota nostri pectoris, & sacræ  
Laurus anhelant, huc age candidos  
Currus; & appensos retarda  
Orbe super Cracio jugales.  
Soles vocatus currere, vix modò  
Se vota adornant, Tu celer occupas  
Tardata, præsentis juvasque  
Auxilio, medicamque sæpè  
Opem jacenti porrigis. ô Manus!  
Quàm magna mundo præstiteris, Tua  
Pallente vultu iussa captat,  
Et tremulo Radamanthus armo,  
De puppe tristi littus in alterum  
Manes relatos, reddere lumini  
Nobisque debet, bile motum  
O quoties vacuâ redire,



Vrñâ inferorum iudicium Deûm;  
A fauce in arcem debuit igneam!  
Hæc fila quæ rupit protervè,  
Heu quoties geminanda sumpfit  
Irata Clotho! si lacrymas malis  
Audis gementes, gaudia præparas;  
Si damna funestas vicesque  
Damna bonis cumulata reddis,  
Vicesque mutas. Iam refluat cavo  
De vase nectar, cûi miseræ dolor  
Inerret ancillæ, bibatque  
Terra novos sitibunda potus.  
Contusa vasis fragmina in amphoram,  
Vndæ fluentes cæruleo super  
Nitore, gustu absque in colorem  
In sapidos regerentur haustus,  
Sic vota mulces, gaudia sic suis  
Votis rependis, jam celeres age  
Visus, & à nobis remotos  
Huc oculos Pater Alme flectas.  
Huc verte vultum! quô recreas Polos,  
Quô nostra spectans climata sospitas,  
Quô Numen alterno & stupentem  
Teque soles recreare visu.  
Quodsi benignô prospicies polô  
Ad nostra Fautor Dive negotia,  
Parata jam nostris Corymbis  
Auspicio meliore vota  
Spectabit Orbis. Nil timidæ vices  
Sortis valebunt, nulla pericula  
Fortuna vibrabit, nec altâ  
Sulphureus cadet ignis arce.  
Hâc fronde cincti fulmina temnimus,  
Si Tu favores jungis amabiles,  
Iam fata, jam sortis procellas  
Te Duce vincimus & Patrono.



# E V C H A R I S T I C O N

*Magnifico Perillustri & Reverendis: Dño*

**D. M. P E T R O  
P R A C Z L E W I C**

Sacræ Th: Doctori & Professori, Canonico  
Cathedrali Cracoviensi, Ecclesiarum Collegiatarum SS. Omni-  
um Crac: Præposito, Pilecensis Decano, Contubernij  
Hierosolymitani Provisori, Almæ Vniversitatis Cracov:  
Generali & Vigilantissimo **RECTORI.**

*Pro Collata sibi Magisterij in Artibus Liberalibus & in Philo-  
sophia, Doctoratûs, Licentia:*

**D I C A T V M.**

**A**Nxia Castalijs fulgent jam vota coronis  
Magne Pater: qui sceptrâ regis, cætusque gubernas  
Doctiloquos: Tu laurigeris nova tempora fertis  
Exornas, Tu post meritas das præmia curas,  
Sudoresque Sacræ detergis munere lauri.  
Hactenus hæc intacta stetit, multumque dolebat  
Non denudatâ folijs se fronde videre,  
Et lustro nutritis comas, & cernere lustro  
Quod suus ardentis in se mutasset amores  
Aonijs montis custos, & Rector Apollo.  
Sed DEUS internos sensit sub fronde dolores,  
Nè Daphne doleat, rursusque sub arbore pænam  
Agnoscat, Te Musarum moderator & Almi  
Dux cætus, adiit, talesq; à pectore Divo  
Effudit voces. Rector mea cura Minervæ,  
Lechiadum sublime decus, trinæque coronæ  
Nunc ortum lumen, trabæ lux unica binæ;  
Sceptra geris laurosque tenes. Sic præmia dextrâ  
Hæc tribuis, quâ Regalem sub lege Minervam  
Compescis placidè, Patrio nutuque gubernas.  
Pande sinus, dextramque Tuo cum munere tolle;  
Stat conscripta cohors, doctisque exercita curis  
Expectat virides dignâ jam fronte coronas;  
Pande sinus, Tibi cum censu fortuna laborat  
Inclinatque caput, flexâ & cervice merentem



Tollit in Ituleum factu meliore Vavellum;  
 Pande sinus, laxaque togam cultusque sub ostro  
 Ardentes, extende manus & carpe virentes  
 Fronde mea crines, permittas tempora cingi,  
 Tuque coronatas facias hoc munere mentes.  
 Si furor armatus necit post bella coronas  
 Hac de fronde sibi? vestrum decus, arma, Gradium,  
 Ornabit? quorum verò est ad præmia nullus  
 Vfus erit lauri? mihi consecratur amoris  
 Conscia Divini, hanc studijs fervire cõegi  
 Non Marti; unde comas carpat qui doctus habetur  
 Efflagitat; qui colle cupit nostoque morari.  
 Stat densus vertex, sese sub sidera volvit:  
 Sat longas dispersa arbor descendit in ymbros.  
 Quâ modo parte velis crines decerpere frondi;  
 Carpe, Tibi pronæ sternunt se ad iussa Corymbi  
 Felices hâc strage sui. Si vertice pones  
 Qui curat laurum doctâ mercede pacisci,  
 Altior hæc pino Sylvaque videbitur omni,  
 Carpere sed noli permissa licentia per Te  
 Alterius curæ poterit, dare præmia fronti,  
 Susceptosque sacra lauro decorare labores.  
 Sic suasit eecinitque suis pro frondibus Augur  
 Post Daphnem mutatam frondis amator Apollo.  
 Nos Tibi pro tantis Rector dignissime curis  
 Sacramus pronos nostro sub pectore census;  
 Hanc laurum quoscunque caput portabit ad usus;  
 Illa Tibi, semperque ad iussa Paterna virebit.  
 Hic liber in nostras veniet qui traditus ulnas,  
 Te nobis scribendum imponet Teque legendum,  
 Ille Tuos nifus doctosque adferre labores  
 Gestiet, ut lagellonias ornare Camænas  
 Suevisti ut vicibus nostri succurrere rerum,  
 Et tristem luctu Patriæ recreare Minervam-  
 Annulus in dextra tandem ponendus, honora  
 Sæcula devolyet, gyrum quoque temporis, Orbe  
 Inde suo augebit, longos ut vita per annos  
 Currat, & in seros volet annorum orbita soles.  
 Vive diu, centumque alias sere vertice laurus;  
 Nos primi sub Te facunda ad signa vocati,  
 Imus Palladias signis augere catervas;  
 Duc precor & nostris faveas Dux Maxime votis.

Peril.



*Perillustri & Reverendissimo Domino,*  
D. M. SEBASTIANO  
PISKORSKI,

I. V. Doctore & Professore, Ecclesiarum Cathedralis Cracoviensis Canonico, Collegiatarum SS. Omnium Cracov: Archidiacono, Vielunen: Canonico, Almæ Universitatis Cracovien: Procancellario Meritissimo.

*Quòd desideria erudita Palladis votis laureasq; admoverit.*

CARMEN VOTIVUM.

Hæc ferat omnigenum promptissima gratia pensum,  
De cornu spargantur opes, gemmæque placentes  
Humanæ sorti, niveo candore rotentur.  
Est magno Patri census solvendus amoris.  
Quodsi Persarum gazas, & barbara densis  
Cum spolijs, quæ Roma tulit, donaria portes,  
Vel rapias rubris mundi solatia Lymphis.  
Erue Marmaricis & splendida dona cavernis,  
Nunquam terrarum censu ditabere tantò,  
Quæ radiant templis, insunt quæ numera libris,  
Quæque istis & se jactant intexta coronis.  
Sed Pater absolves dites à munere curas.  
Eruimus non caute aurum, non vertice gemmas.  
Pro lauro, capiti nostro quam imponere tandem  
Permittis, sed prona Tuo sacramus amori  
Pectora, jam votis excelsa studebimus omnes.  
Obtestari astra, ut serus mittaris Olympo,  
Texe prius meditata Tuis molimina curis,  
Nec cesses similes unquam diducere nisus.  
Quidquid enim attollis nova das miracula mundo,  
Quæque dabis miranda, iterum mirabitur Orbis.  
Cum libris animam mentemque infundere gestis,  
Nullus apex hæret, qui Te non tollat in altum.  
Qui Tibi prolixum non pingat & Orbis amorem.  
Vivit in expressis vultu Salomæa figuris,  
Et crescit crescente typo, quod gesserat olim,  
Usque gerit. modò se juvenem colludere spectat,

B

Et



Et modò Regalès sumit trabeas, modò summo  
Vertice gemmatam ponit Regina coronam;  
Iam paulò vultus alios Vestalis adumbrat,  
Nec iam Regali se spectat imagine; sceptrà  
Sub pedibus reptant plantas fortunaque lambit  
Ambitiosa suis quæ nuper tempora fertis  
Præcinxit, quæ pressa manu Regale tumebat,  
Iam pede conculcata iacet, sic ludit imago,  
Ut fœvit vanam Salomæa eludere sortem.  
Vidimus è sylvis medijs & rupe peresa,  
Integros venisse Patres, venerandaque membra,  
Pendentisque genas à maiestate senili,  
His studiis, iterum nostra ac invisere sœcla.  
Thebaidos nemus ac nigrantis lustra Canopi,  
Obliqui spectatores excussimus arcti,  
Quæ Divis fuerint scimus & iura, quis ordo  
Cum luctarentur circo virtutis in arcto;  
Miramur legimusque & Divis oscula chartis  
Inferimus. durantiâ post scripta altiùs ivit  
Conatus, stetit usque suis exhausta medullis  
Terra Parens; & quæ medijs servaverat ulnis  
Marmora, denudâsse novas debebat in ædes.  
Iam surgunt cælum, tangentiâ templa, domusque,  
Et turre alto fugiunt ad sidera fastu.  
Nil hîc ars humilis sparsit, collecta decorum  
Se series spectanda offert, sive artis honoræ  
Cernis opus, sive ingenii, certavit utrumque,  
Nec natura pares Cilicium sub vere colores  
Pingit, nec Floræ sacris suspendit in hortis,  
Hîc ars naturæ, vicit miracula, partim  
Correxit, partimque novas immiscuit umbras.  
Heu quæ se instaurant famæ monumenta futuræ!  
Pro gestis factisque hæc tantùm vota supersunt:  
O superi hoc pignus terris servate benigni!  
Quæ finit, finita locet, quæ cepit in ortu,  
Non linquat. nisi non impia fata morentur,  
Sed faciles referent maiora ad facta paratus!  
Iam licèt emeritum rapuit nox invida lumen,  
Quòd si Parca manus vitæ non inserit, ingens  
Est ordo rerum quem in Te spectare meretur.

*Clarif.*



*Clarissimis, Excellentissimis & Admodum  
Reverendis Dominis*  
**DD. EXAMINATORIBVS,**

*Clarissimo & Admodum Reverendo Domino*  
**D. M. MATTHIÆ IAGIELSKI,**  
Philosophiæ Doct: Regio Professore, Collegæ Majori, Eccle-  
siarum, Collegiæ S. Annæ Crac: Canonico, in Cerekiew  
Curato, ac interea Artisticæ facultatis DECANO.

*Clarissimo & Admodum Reverendo Domino,*  
**D. M. MARTINO BIELECKI,**  
Sacræ Theologiæ Baccalaureo, Collegæ Majori, Ecclesia-  
rum Collegiæ S. Annæ Cracov: Scholastico,  
in Xiążnice Curato.

*Clarissimo & Admodum Reverendo Domino,*  
**D. M. SAMVELI PODGVRSKI,**  
Philosophiæ Doctori, Regio Professore, Collegæ Majori, Ec-  
clesiarum Collegiæ S. Annæ Cracov: Canonico, Cu-  
rato in Osiek, S. R. M. S. Notario Apostolico:

Pro fuscepto labore circa probandā Indolē uni-  
uscujusq; circaq; desideria ad capeſſēdas laureas

**GRATITVDO LYRICA.**

**L**Audum silentes sume lubentius  
Apollo Nervos? fixa sub arido  
Testudo in unco, iam nec uno  
Pulvere deperitura pendet.  
Silesnè docti carminis Entheo  
Instante? nec tristem excuties Chelym?  
Huc ferte nervos, plectra, sistrum,  
Ut cecinit lyra tacta, dudum est.  
Tempus tacentem pollice fervido,  
Ad iura vocis cogere barbitum,  
Ter tacta, ter correcta buxus  
Incipiat resonare facta,



Trium Virorum. Mæonium fave  
 Melos, stat ingens ordo laboribus  
 Factisque nexus, quem sonorâ  
 Hic iuvat accumulare laude:  
 Primus DECANI murice splendidus  
 Venit IAGIELSKI, cûi trabeæ nitor  
 Insertus, illustres reposcit  
 Cum titulis sociare soles:  
 Quò tantùm acuti vis genij ruit,  
 Retert triumphos, scandere si placet  
 In rostra Templorum DEÛmque,  
 Crescit honor, rutilatque plausu  
 Nomen secundo. Gratius est Tuo  
 Nil ore. Magni voluere pondera,  
 Sermonis es doctus, sacrumque,  
 Eloquium gravitate nôsti  
 Ornare pulchra, jam Cracij stupent  
 Hoc os Penatès, Gnesna tenacibus  
 Servat medullis, in sinuque  
 Verba Tui numerat laboris.  
 Iunxere tantis dotibus intimos  
 Arcana sensus, quæ sophicis litas  
 Curis Professor, parte census  
 Stant alia radijsque gesta  
 Stipant honores. Parte sed altera  
 Surgit BIELECKI, suadæ honor inclytus,  
 Quem Flora distinguit venustè,  
 Et variat proba verba gemmis.  
 Sublime rerum se cumulat genus  
 Per dicta. Reges Hic toties suo  
 Laudare permissus cothurno,  
 Non humili ruit ore, Regum  
 Sed culmen æquò vel tetigit sonò,  
 Vel major ipsis & solijs igit,  
 Ultra coronas sceptraque ultra  
 Grandiloquâ stetit Ille pennâ.  
 Quot verba fudit, tot radios stylo  
 Insperfit, aurum non Lybica later  
 Sic rupe, cœu sensu profundo  
 Hic pretium later omne in isto.  
 Regina Cæli Diva scientia  
 Avellit Illum à munere Tullij,  
 Hoc ore laudari hocque sensus  
 Cæligeros cupit in reclinem



Vibrare terram. Vertit & in Tuos  
 Plectrum paratus o SAMVEL, Tibi  
 Lusisse promptus qui camænæ  
 Fatidicâ caluisse flammâ,  
 Et fonte doctam Mæonio sitim  
 Potasse ferris. Si Lechico sacras  
 Nuptasque tædas, si Quirinô  
 Facta Ducum celebrare metrô,  
 Vates rotâsti pectore, carmina  
 Ivère vasta non sinè gloria,  
 Musisque, Musarum & iuventæ,  
 Et pueris geminanda restant.  
 Infers arenis doctiloquus pedem?  
 Fervent præfundi iurgia consiliâ,  
 Trophæa iam linguæ rogata  
 Stant mediis redimita palmis.  
 Te rostra sacri culminis efferunt,  
 Te scripta cultis elogiis palàm  
 Famæ susurrant concinendum,  
 Te his poteris celebrare rectè;  
 Ignosce Musis. O Sacra Nomina  
 O fulcra rebus Palladiis data,  
 Quâ fronde lauri, quâ Corymbi  
 Cingitis emeritos labores?  
 Hæc prona vestris nominibus iacit  
 Florens cacumen, nectit & herbidos  
 Cultus, & excelsum decorem  
 Obsequiis stimolata ponit.  
 Tempus sed orfos ponere barbiti  
 Cantus, quiescat lassa sono Chelys,  
 Sat magna tentavit, remissis  
 Iam maneat tacitura filis!





DESIDERIA  
 Eruditæ Palladis,  
 In VV. Viris Secundæ Laureæ Candidatis  
 EXPRESSA.

I. V. D. STANISLAVS FRANCISCVS  
 BROSZKOWSKI

*Stemma  
 nullâ, sed meri-  
 possidet  
 cum Lemmate.*



*Acervum Cerere  
 tis refertum*

*Implebit honor.*

**N**on Tibi Broszkowski stat messe refertus ACERVUS,  
 Ast impleat vacuum munera docta locum,  
 Nulla Ceres nec Flora tulit collecta maniplos,  
 Contulit ast lauros Diva Minerva suas;  
 Et parat illustres honor huc conferre decores,  
 Dicite? nonne satis plenus Acervus erit.

II. V. D. IOANNES CASIMIRVS IODŁOWSKI

*Soleam Sagittâ  
 directâ, Avium  
 cum Lemmate*



*transfixâ sursumq;  
 stemma recenset.*

*Tutor alta premet.*

Curre



**C**irre viam Iodowski Te cincture Corymbis,  
 Hoc Superare potes nam soleatus, itero  
 Tu poteris Fandi poteris falligia Tullii  
 Tangere, quod possis, prompta Sagitta facit,  
 Nec solum docti montis juga sacra capeffes,  
 Pressuro alta Tibi culmina fernet honor.

III. V. D. ANDREAS IARONSKI

*Insigne  
 Sagittis arma-  
 tum Lemmate*



*Lilium, binis desuper  
 tum, retinet.  
 Vis ornata.*

**L**ilia vernanti quæ se candore repandunt,  
 IARONSCII cupiunt cingere flore caput-  
 Hoc genij cultus hoc facunda ora merentur,  
 Hoc vertex meritis poscit habere suis-  
 Si quis adhuc cultæ non spectat mentis acumen,  
 Illud summa petens bina sagitta notat.

IV. V. D. MATTHIAS ZIETKIEWICZ Leop:

*Stemma Gentilitium  
 Lauream, annu-  
 supra verticem,  
 pro decore usur-  
 cum inscriptione*



*Leonem, coronam  
 lumq, tenentem,  
 Stellam lucentem,  
 pat.*

*Ardentes animos ca-  
 lum terraq, coronat*

**C**erne LEONINAS irato pectore flammæ  
 Et videas fronti, lumen adesse feræ.  
 Ingenio similes ignes, doctasque Minervæ  
 In ZIETKIEWICIJ pectore crede faces.  
 Inde polus laurusque sibi devincit amore  
 Annulus & gemmis hoc caput atque manus.



V. V. D. VALENTINVS TVSZOWSKI,

*Stemma  
Symbolum Hic  
cum Lemmate;*



*Pelicanum, amoris  
appendit,  
Amat ut ametur.*

**P**oscit amor quali se posset imagine verum  
Cernere, sed pingit Te PELICANE sibi.  
Iam volueris, rari vim propter amoris, amatur,  
Iam Regum digna est pectore digna DEUM.  
Te Te Tuszowski certi amplectentur amores,  
Post volucrem ipse pio dignus amore coli.

VI. V. D. FRANCISCVS KALEWSKI,

*Insigne, Turrim,  
bina Sceptra execu-  
virtutis sua erigit.  
cum Inscriptione:*



*(in cuius aditu  
bant) ornamento  
Sola hac fortuna  
subintret.*

**S**I Dea victrices Pallas disponit arenas,  
Gaudet Doctorum, & bella ciere Virum?  
Hæc TURRIS doctæ fiet tutela Minervæ,  
Otia, nec ponet segnitiesque gradum.  
Pellent SCEPTRA nefas terrarum sola KALEVI  
Vt pateant titulis limina, pande fores.



VII. V. D. GREGORIUS STANISLAUS  
BARSZCZEWIC,

*Stemma, Crucem  
ronatam, gladio,  
tanquam de celo  
rem ostendit,  
cum Lemmate.*



*Annulo de super co  
laureaq, triumphali  
imminentibus, fulgen*

*Et quò se ornet habes  
quò tueatur habet:*

**V**ictores tituli & fulgenria signa triumphis  
Doctrinæ cedant Stanisilae Tuæ.

Hic Gladius, Crux hîc, volvit se hîc Annulus orbe,  
Quæ super à Cælo laurea docta viret.

Iam BARSZCZEWICIO præsens fortuna laboret  
Hanc quo stringat habet, quo tueatur habet.

VIII. V. D. CASIMIRVS RELEZYNSKI,

*Stemma, Obeliscum,  
Sagittâ, cum Annulo  
insidet,  
cum Lemmate*



*cui Avis transfixa  
è rostro eminente,  
erigit.*

*Nil humile.*

**S**Tat solidè, lambitque & vertice summa Colossus  
Hanc super, alta Ales pectore tela gerit.

Annulus extremo se vibrat ab Alitis ore,  
Non humiles talis pingit imago notas!

Videris in RELEZYNSKI si munera mentis,  
Nil humile & reptans, omnia culmen habent.



IX. V. D. CASIMIRVS SIENKIEWICZ, III

*Insigne Gentilitium  
tutis sua et gentilitia,  
ditione incrementa,  
gittis transfixum,  
cum Inscriptio:*



*In ornamentum vir-  
laudis: maiora ex eru  
Cygnum tribus Sa-  
ponit.*

*Ferent Te ad sive-  
ra Cygni.*

**E**st moriens, vivit CYGNUS, sunt pectore tela,  
Tela tamen Cygno nulla nocere valent.  
Dicere iam possum fixus quod vulnere, dulcem  
Iam Pæana suos promere discit Olor.  
Hoc SIENKIEWICJ Carmen virtutibus ille  
Pandit. Te referam in sidera, Teque canam.

X. V. D. IOSEPHVS WENTOWICZ,

*Stemma:  
nificientia benefici  
Lilium, stellam q̄  
cum Lemmate*



*Supra Petram, mu-  
isq̄, gratificaturus,  
serit et accendit.*

*Altius et virtus et  
Cynosura faveat.*

**V**ertice se Rupes tollit, sed pulchrior illo  
Flos est, excelsus quo redimitur apex.  
Sidera collucent, panditque & STELLA favores,  
Sceptrigerique faveat mens peracuta Iovis.  
Claros WENTOWICZ resplendentesque doctores  
Speres, sic spondent Lilia sicque Polus.



XI. V. D. MARTINVS METECKI, VII.

*Stemma,  
folijs, & colore, à  
ducto, conspicuam  
cum Lemmate:*



*Rosam explicatam  
dotibus eruditioneq;  
exponit,*

*Dabit virtusq; for-  
tuna colorem*

**E**st bene? quod virtus Roseos Tibi légit honores.  
His & METECKI Te redimire cupit.  
Aptè quàm lusit! mores studiumque Rosarum,  
Et vultus, in Te composuere decus.  
Flores mente genisque simul, quis symbola tanta  
Ferre neget? quænam premere Flora Rosas.

XII. V. D. ANDREAS PALIKOWSKI, VIII.

*Insigne,  
tas locatam, fato-  
opportunam, tenet.  
cum Inscriptione:*



*Anchoram inter stel-  
rum tempestatibus*

*Tutus eris.*

**S**i Fortuna suas traderet mansueta catinas,  
Et sinet in longo pandere uela mari;  
Nè timeas PALIKOWI Te credere ventis,  
Et non horrescas ut Palinurus aquas.  
Neptunum ut vineas præsens est Anchora, præsens;  
Quæ præbet flammæ & Cynosura micat.



XIII. V. D. STANISLAUS MOTTELOWSKI, Vstien:

*Stemma, Liliū  
altera Crucem  
gerit.*

*cum Lemmate:*



*una à parte, vir  
virtutis sua decus*

*sibi iungit tutela  
decus.*

**O**Rnant Te Vstensis Papenkovisque decores,  
Dantque simul proprium Lilia juncta decus.  
Egregios cultus mentemque ex indole tractam,  
Attollunt Divæ sacra trophæa Crucis.  
Maçte animis & altos & perge capeßere nisus,  
Te dotes sursum, Te jubet ire favor.

XIV. V. D. ANDREAS BARANKIEWICZ, Crac:

*Stemma Lunam  
micantem, sua  
cum Lemmate.*



*inter duas Stellæ  
eruditioni accendit.*

*Statio hic est nulla  
tenebræ.*

**L**Vmen LATONÆ medijs in cornibus Astrum  
Stringit, & alternum sidera, sidus habent,  
Pænè huc confluit cælum, quod nocte videtur,  
Sed nocte hæc non est clarior ulla dies.  
Resplendent, BARANKOVij dotesque laborque,  
Sic nocturna suas non habet umbra vices.



XV. V. D. ANDREAS TVCY Crac:



*Insigne Avitum,  
Stellis stipata,  
cum Inscriptione.*

*Lilia terna, septem  
gerit:  
Stat cum luce decus.*

**O**Rdine stat Chloris, nitidi stant LILIA vultus,  
Lucent quâque solet gemma nitere nive.  
Forsan ut albentes spectarent Astra colores,  
Huc abduxerunt sidera multa polo,  
Spectent Astra illos, virtus sed TUCCIA, circum  
Astra tenet, circum LILIA trina tenet.

XVI. V. D. IOANNES WVIOWSKI,



*Stemma:  
Cum, erigit:  
cum Lemmate:*

*Ensem botris abdu-*

*Nulla sine est victo-  
ria censu.*

**B**Romius excisus Patris de vulnere, Solem  
Vidit & occlusas extulit ille manus;  
Sic amat & Gladium Numen, quo vindice natum,  
Hunc medio ut Patrem stringit ad usque finu.  
Nosce Tuas dotes Wuiowi nosce labores,  
Illos nam laurus doctaque Pallas amat.



XVII. V. D. MELCHIOR KICINSKI,

*Stemma,  
tenentem repræ-  
sentantem Lemmate:*



*Manum cristam  
sentat.  
Ornamenta labore  
Obveniunt.*

**H**Æc Manus erectas iactat sub Sidera Cristas,  
Armata est fortis signa laboris habet.  
Hæc poterit non tantum stringere Syrma coruscum,  
Sed falces superum signa rotare DEUM.  
Admittat laurum Kicinski, & vertice ponat:  
Syrma manum ornabit, laurea docta caput.

XVIII. V. D. GEORGIUS KOSIOWSKI,

*Insigne Gentilitium:  
medio cuius Sa-  
nna sideris,  
cum inscriptione:*



*Semilunam habet in  
gitta ponitur, Cor-  
stella accendunt,  
Omni ex parte coru-  
scus*

**R**Egales fasces, STELLÆ, LUCINA, SAGITTÆ,  
Concurrunt unò munera tanta loco.  
Kostovij ingenium sic præmia multa meretur,  
Et densa laudum dote nitere cupit.  
Ut sunt illustres dotes, sic LUNA coruscat,  
Ut summæ sunt sic seque SAGITTA vibrat.



XIX. V. D. MICHAEL PRVSKI.

*Stemma:  
Cruce tenes,  
cum Lemmate.*



*Lunam cum sesqui.*

*Plena laboribus est  
& plena decoribus.*

**N**on pleno vultu se se LUCINA revolvat,  
Et frangat radijs cornua, Luna suis.  
CRUX quidquid sidus proprio defecit in igne.  
Implebit vacui lumina flexa loci.  
Sic PRUSKI totam faciem quæ LUNA negavit,  
Hæc meritis ibit cum CRUCE plena Tuis.

XXI. V. D! MATTHÆVS KOŁĘDOWICZ

*Stemma:  
Sicllas utraque  
cum Lemmate.*



*Cor rosis vernans  
ex parte accendit.*

*Ardet amari.*

**T**E Pallas, Te Flora suis complectitur vlnis,  
Clare KOŁĘDOVI Sidere, clare Rosis.  
Es post Palladias curas jam dignus amari,  
Dignus es & Flores dignus habere polos.  
Te cupient, semper tituli, Te ferta, coronæ,  
Quod cuperis, faciunt SIDERA, CORDA, ROSÆ.



XXII. V. D. VENCESLAVS PANISZEWIC

*Insigne:  
lum tenente, et  
cum Lemmate:*




*Soleam, alite annu-  
Cruce impletam gerit,  
Summis incumbere natus*

**S**I tellure pedem pones si summa tenebis  
Nè timeas, Solea est, est Volucrisq; Tibi,  
Tutamen CRUX sacra micat, dependet ab ore  
Annulus, ut signet tutus honoris Opes.  
PANISIUM fortuna tenet, Volucrisq; laborat  
Ferre supra, ut Solea in culmina ducat adest.

XXIII. V. D. STANISLAVS CIOTVSKI.

*Stemma Avitum  
gne post diluvium,  
habet.  
cum Lemmate:*



*Clavim, primum infi-  
gura Noe usurpatum,  
Cuncta patebunt.*

**Q**Uòd patuere Tibi referati limina Templi,  
Cendit ubi sophicas Pallas; alacris opes,  
Præstitit id CLAVIS Patrijs circumlita Ceris,  
Fortunæ ad largas mox præitura fores;  
Ciotuski molire vias, gressusque capeffe;  
Claudi non poterit, quisque patebit honor.



XXIV. V. D. SIMON ANTONIVS  
IĘDRYCHOWSKI,

*Stemma  
tribus Rosis ex se  
dum locat.*

*cum Lemmate,*



*Cor sagitta transixum  
pullulantibus flori-*

*Poterit marcescere  
nunquam.*

**N**on steriles animos virtus gerit: illa repandit  
Fructûs & medio crescere Corde jubet.  
Fixa licet rubeant immisso vulnera telo.  
Illos stillanti sanguine vulnus alit.  
Iam IęDRYCHOWSKI primo vivente decorus  
Deposcet semper munera viva sibi.

XXV. V. D. IOANNES GALCZYNSKI,

*Insigne  
de suo continentem,  
Bireto Doctorali  
cum inscriptione*



*Annulum palmas or  
entra, librum cum  
ostendit.*

*Desponsata vigeant*

**D**octis Galczynski postquam se addixit arenis  
Laurum vernantem, poscit habere Librum  
Nil poterat melius docto florere Lycæo  
Quam Mitræ, Lauri, quàmque nitere Liber,  
Hos stabiles posset tandem vt retinere decores  
Annulus, & splendens Gemma ligare student.



XXVI. V. D. MARTINVS SZVMLINSKI,

*Stemma  
sagittâ prodeunte  
nus in cælum  
cum Lemmate:*



*Medium Anulum  
erectum supra ma-  
versas tenet:*

*Ad alta feruntur.*

**A** Nnulus alternum fulget dissectus in orbem,  
Pro lapide in cælum ferrea tela volent,  
Tam se summa levant! sed telis altius ius  
Attrahit in palmas sidera, bina manus,  
SZVMLINSKI meritis clarus factisq; venustus,  
Hac poterit tolli culmina in alta manu.

XXVII. V. D. HYACINTHVS GRYPECKI,

*Stemma  
in excubijs  
cum Lemmate*



*Gryphem aureo mon-  
datam, ponit.*

*Excubijs pretiosa  
vigent.*

**G** Ryphs lapides gemmasq; satum custodit & aurum  
Quod condit Lybici viscere Plutō jugi:  
GRYPECKI pretijs docto quæ pectore iervas,  
Est data tutelæ fida satelles avis:  
Nec tantum sortis dextram propellet avaram  
Culminibus meritum prompta ministra feret.



XXVIII. V. D. IACOBVS SCIGALSKI,



Insigne:  
git, e cuius ambitu  
cum Inscriptiōne:

Coronam auream eri-  
Lilia prorumpunt  
Dona laboris honor.

QVæ posuit gemmis fulgentes Iuno Coronas,  
Candida quæ in medium Lilia Flora tulit :  
His decus annectit Pallas nam ferta reponit,  
Quæ Musæ, quæque nectit Apollo Deus.  
Tot superùm collecta SCIGALSKI dona sequuntur  
His comes addetur mox secuturus honor.

XX. V. D. IOANNI RAPHAELI  
CZARNAWSKI,

Secundæ Laureæ Candidato  
Authori Operis,

Stemma Rosam tribus ferramentis aratri armatam  
V. D. IOANNES CASIMIRVS IODŁOWSKI  
ejusdem Laureæ Candidatus  
nectit.



cum Lemmate:

Cultura ingenij

PVlchra Tuos CZARNAWSKI apparet cura labores  
Quod tenet, id signant tela globata Rosis  
Et taciunt manifesta fidem data carmina, quanta  
Cutarum vigeant pectora plena vice,



Excōle suscepto mentis modò munera nisu  
In Te honor & Pallas florida ferta ferent:

Eidem Authori Operis,

V. D. MARTINVS METECKI,  
eiusdem Laureæ Candidatus

*Oden Pœticis laboribus gratificantem.*

O F F E R T,

**A** Pollo laudes nectat amabiles,  
Et Musa longo carmine Numini  
Applaudat, & nervis & apto  
Ore juvet geminare cantus.  
Appensa nostris metra laboribus,  
Et nexa culto pollice laurea,  
Hinc inde Phæbeæ requirunt  
Symbola consociata frondi:  
Vt Te sonoris & Cytharis canat  
Laus, ut refuso murmure præferat  
Te fama CZARNAWSKI disertè  
Orbe Tuas positura laudes.  
Dici mereris? sic probitas jubet  
Sic docta suadæ gratia, quâ sacras  
Implèsse laudaris Cathedras  
Et genio recreâsse densam  
Es visus aurem. Nil humilîs Tuo  
Ex ore fusum est, grandia dulcior  
Suada elaboravit, vigetque  
Diva Tuâ CATHARINA voce.  
Et pugnam Amazon Cæsare cum fero  
Init, Tu adurges prælia, Tu rotam  
Plenam cruentis & triumphis  
Ore rosas, niveique potas  
Fluenta colli. Volvat amabiles  
Iam Musa voces, nectat Apollinis  
Iam dextra lauros, digna culto hæc  
Tempora sunt varianda ferta.

---

Permissu

MAGNIFICI DOMINI  
R E C T O R I S.





Stdr00222264



Biblioteka Jagiellońska



